

Universitätsbibliothek Paderborn

Historiae Ecclesiasticae Pars ...

HISTORIAE EC||CLESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

De persecuzione quae sub Decio erat, & quanta Origenes pertulerit. Cap.
XXXII.

urn:nbn:de:hbz:466:1-29861

De Arabum disidio. CAP. XXX.

Per idem tempus, quidam rursus in Arabia dogmatis cuiusdam à veritate prorsus alieni autores nascuntur: afferentes hominum animos vñà cum corporibus uno eodemque temporis articulo morte occumbe-re, & penitus extinguiat demum tempore resurrectio-nis vniuersæ carnis cum eisdem vitam denuo recuperatu-ros. Non exiguo igitur episcoporum conuentu ea de re coacto, Origenes ibi etiam rogatus, vt partes de illa controuersia disputandi susciperet, sic orationis vi & im-petu ferebatur, & eorum mentes, qui se antè eo errore implicauissent, ad rectam fidem & sanam doctrinam tra-duceret.

De Helcesitarum hæresi. CAP. XXXI.

Eodem tempore alia erroris peruersitas, quæ Helce-sitarum hæresis dicebatur, cœpta est: quæ propè simulac orta erat, extinguebatur. Cuius mentionem facit Origenes in concione in Psalmum octogesimum habita: quam coram ecclesia palam recitauit. Interuenit, inquit, quidam hoc præsenti tempore insolenter propte-re a se efferens, quod impiam & maximè sceleratam Hel-cesitarum opinionem, quæ nuper contra ecclesiam ex-citata est, se posse defendere existimet. Quæ tandem sce-lera, & quam nefaria, illa opinio profiteatur, vobis expo-nam, ne eius inanitate & quasi leni vento à veritate abri-piamini. Nonnulla vniuersæ scripturæ antiquat testimo-nia: aliis rursum cum ex toto vetere testamento, tum ex-Evangelio depromptis vtitur. Paulum autem Aposto-lum omnino reiicit. Fidem item negare, indifferens quid-dam esse afferit. Qui enim, interiore cogitatione recte de fide sentiat, tametsi ore, cum necessitas illum eò de-truserit, fidem perneget, eum tamen animo firme illi ad-hæsurum. Librum etiam circumferunt, quem aiunt è ce-lo delapsum: & qui illū audiuerit, eiusque doctrinæ credi-derit, peccatorum remissionem consecuturum, eamque diuersam esse remissionem ab illa, qua Christus Iesus re-misit peccata. Sed de his satis multa.

De persecuzione quæ sub Decio erat, & quanta Origenes pertulerit. CAP. XXXII.

R 5 Philippo

EVSEBII HISTORIAE

Philippo, ubi septem annos regnauerat, succedit Decius: qui odio quodam capitali, quo cum Philip- po dissidebat incensus, persecutionem contra ec- clesiam concitat. In qua Fabiano Romae martyrium sub eunte Cornelius Pontificatum capessit. Alexander Hi- rosolymitanus ecclesiae episcopus in Palestina rursus, va- bi Cesare et propter Christum praesidis tribunali stetis- set, & magnam fuisse ex secunda fidei suae confessione, commendationem adeptus, iam extrema senectute, & ve- neranda plane canicie eximius, carceris cruciatu denuo afflictatus est. Quo quidem, post praeclarum & illustre testimonium fidei Christianae Praesidis tribunali datum, morte in carcere consopito, Mazabanes successor eius in episcopatu Hierosolymitano declaratur. Babyla item Antiochiae ad exemplum Alexandri post fidei confessio nem in vinculis viram deferente, Fabius ibi ecclesiae pre- ficitur. Quot afflictionum genera, & quam grauia Ori- geni in hac turbulentia persecutionis tempestate conti- gerint, & quo pacto, maleuola Diaboli inuidia contra eum incensa, (qui omnibus copiis, tanquam hostis infe- sus, enixe aciem aduersus illum instruebat, omnibus ma- chinis, omni virtute & potentia contra eum dimicabat, & praeter ceteros omnes illo tempore ab eo impugnatos, in hunc potissimum impetum faciebat) magis magisque augerentur, qualia etiam & quam acerba pro Christi verbo & doctrina perpessus sit vincula, quae corporis tormenta, quae supplicia ex catena ferrea in interiori carceris recessu collo impacta, & quomodo permultis diebus pedes in compedes ligneos intrusi, quatuor foraminum interstitiis interpositis, distractione qua- dam distenti fuerint, quae ignis & incendii oppositae minae, quas praterea ab inimicis inflictas carnificinas toleranter pertulerit, qualem exitum, dum iudex om- nibus viribus & toto corpore, ut dicitur instaret, ut vita eius ad doloris morsus amplificandos amplius pro- traheretur, eius res habuerint, denique quas post illa & quam pias voces easq; plenas solatii, iis qui opis & auxiliis in rebus aduersis indigent, scriptis reliquerit, permulta sunt illius epistolae, quae vere accurateq; commemorat.

D4